

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 12. August 2021

Här President,

Sou wéi d'Chambersreglement et virgesäit, bidden ech lech, dës parlamentaresch Fro un den Här Bausseminister weiderzeleeden.

Nom Ofzuch vun den internationalen Truppen aus dem Afghanistan ass de Biergerkrich téscht den Taliban an den afghanesche Regierungstruppen op ville Plazen erëm nei entfacht. Dái prekär Sécherheetslag huet dozou gefouert, datt d'EU-Kommissioun d'Memberstaate vun der EU opgefuerdert huet, op Réckféierungen an den Afghanistan ze verzichten. Doropshin hu sech sechs Länner, nämlech Däitschland, d'Belsch, Holland, Dänemark, Éisträich a Griicheland, un d'EU-Kommissioun gewandt a verlaangt, datt Réckféierunge vun ofgeleenten afghaneschen Asylbewerber a vun Afghanen, déi stroffälleg gi sinn, net énnerbrach sollte ginn. Iwwert dës Initiativ, sou den Här Minister an engem Interview mam däitschen Tagesspiegel, „kéint hie just de Kapp rëselen“. An der Tëschenzäit hunn zwee vun deene sechs Länner, nämlech Däitschland an Holland, decidéiert, fir am Abléck keng Leit méi an den Afghanistan zréckzeschécken.

An deem Kontext hunn ech folgend Froen un den Här Minister:

- 1) Den Här Minister huet sech am genannten Interview dofir ausgesprach, fir Afghanen, déi opgrond vun hirer Zesummenarbecht mat westlechen Truppe gezwonge kéinte ginn, hiert Land ze verloossen, d'Méiglechkeet ze ginn, an der EU Schutz ze sichen. Kann den Här Minister preziséieren, ob, senger Meenung no, Lëtzebuerg dës Mënsche soll ophuelen, wa si hei eng Asyldemande géife stellen, an dat obschonns keng Afghanen direkt fir de Lëtzebuerger Kontingent geschafft hunn a Lëtzebuerg dohier géintiwwer eventuelle fréiere Mataarbechter keng moralesch Pflicht hätt, fir si opzehuelen? Geet den Här Minister dovun aus, datt seng Aussoe kéinten zu engem „Pull-factor“ fir Afghane ginn, fir eischter zu Lëtzebuerg wéi an engem aneren EU-Staat Asyl ze froen?
- 2) Geet den Här Minister dovun aus, datt doduerch, datt d'EU, mam Argument, et wier ze geféierlech am Afghanistan, sech géint Réckféierungen an dat Land ausgesprach huet, ee Signal un d'Mënschen am Afghanistan ausgesent kéint ginn, dat sech zu engem „pull effect“ an doduerch zu enger neier Flüchtlingswell a Richtung EU auswierke kéint?
- 3) De belsche Banneminister Sammy Mahdi, deen de mentionéierte Bréif vun de sechs EU-Länner un d'EU-Kommissioun fir d'Belsch énnerschriwwen huet, huet op Twitter

geschriwwen, datt, just well verschidde Regioune vun engem Land geféierlech sinn, dat net automatesch bedeite géif, datt all Mensch aus deem Land schutzbedürfteg wier. Wéi steet den Här Minister zu déser Äusserung? Kann den Här Minister preziséieren, wéi sécher ee Land, senger Meenung no, muss sinn, fir datt an Zukunft Réckféierungen an dat Land méiglech sinn?

- 4) Am Zesummenhank mat der Afghanistan-Kris hu sech, an engem Bréif vum 9. August (Quell: <https://www.politico.eu/newsletter/brussels-playbook/brussels-playbook-eu-border-supporter-sejm-media-drama-climate-cash/>), Ministere vun Éisträich, der Belsch, Zypern, Tschechien, Däitschland, Dänemark, Griichenland, Litauen an Holland un héich Beamte vun der EU-Kommissioun adresséiert, fir datt d'EU hir Haltung vis-à-vis vum „*emerging issue of the instrumentalization of migration for political purposes*“ iwwerdenke soll. D'Ministere bezeechnen dës „Taktik“ als neien Trend an der Geopolitik. Ass den Här Minister um Courant vun dësem Bréif? Wa jo, firwat huet Lëtzebuerg dëse Bréif net mat énnerschriwwen?
- 5) 2001 ass eng vun den USA ugefouert Koalitioun am Afghanistan amarschéiert. An hirem Dokument “Instrumentalisierung der humanitären Hilfe” schreiwen d’“Médecins sans frontières” 2002 iwwer d’Situatioun am Land, nodeems et vun den USA bombardéiert gi war:
“Die Situation der afghanischen Bevölkerung während der Bombardements wirft schwerwiegende Fragen nach der internationalen politischen Verantwortung auf. Schon in den zwei Jahren vor den amerikanischen Angriffen hat die internationale Gemeinschaft die lang anhaltende humanitäre Krise in Afghanistan in der Regel als Resultat von Dürre und Hunger bezeichnet. Gewalt und Verfolgung wurden als Flucht- oder Migrationsursache nur selten berücksichtigt, obwohl die Flüchtlinge selbst immer wieder davon sprachen und es auch Berichte über Massaker gab. Insbesondere haben die Nachbarländer Afghanistans ihre Pflicht vernachlässigt, den Flüchtlingen Schutzzu gewähren. Iran ist sogar Unterzeichner der Flüchtlingskonvention und des Protokolls von 1967. Trotzdem wurden Flüchtlinge zwangsrepatriert und an der iranischen Grenze sogar erschossen. Die internationale Gemeinschaft, insbesondere die Mitgliedstaaten der NATO, hätte sich in dieser Situation für den Flüchtlingsschutz besser einsetzen müssen: Öffnung der Grenzen, Ermutigung und Unterstützung der Nachbarstaaten, den afghanischen Flüchtlingen Asyl oder wenigstens temporären Schutz zu gewähren.” (Quell: <https://www.aerzte-ohne-grenzen.de/sites/default/files/attachments/msf-instrumentalisierung-humanitaere-hilfe-2002.pdf>) Haut, wou d’Situatioun net vill anesch ass, gëtt och erém op Europa gekuckt, fir afghanesche Flüchtlinge ze héllefen. Wéi gesäit den Här Minister d’Aufgabe vun den Nopeschlänner vum Afghanistan, wat Flüchtlingshëllef ugeet? Ginn dës Länner opgefordert, fir Flüchtlinge opzehuelen?

Mat déiwem Respekt,



Fernand Kartheiser
Députéierten

